



Era specialitads regionalas

Constanze Conradin ha dà in curs da botanica e mussà plantas che creschan prest be en Engiadina.

5



Novas tecnologias en la periferia

Co statti cun il provediment da spectrum larg en Surses e tge porta quella tecnica als consumers?

8

südostschweiz

LA QUOTIDIANA

Redacziun: Via Sommerau 32, 7007 Cuirra, tel. 081 255 57 10, redacziun@laquotidiana.ch

Perspectivas incertas

■ (anr/ac) L'entschatta da settember vegn la fiera da biestga da nez lantschada ella Arena a Cazas cun l'emprema aucziun. Il meinafatschenta dalla Biestga Grischun SA, Christian Parli, ei pertscharts dalla situaziun extraordinaria provocada dalla schitgira el cantun Grischun ed en grondas parts dalla Svizra. Entochen ussa valetescha el la situaziun dal-

la fiera per ruasseivla e schizun las undas ella fiera dad animals da maz ein s'ulivadas silmeins empau. La Biestga Grischun SA ei ina organizaziun da hanletg da biestga dalla Uniun purila Svizra ed ei cunschenta dallas spetgas da puras e purs viers l'atgna interpretesa gest ella situaziun actuala.

> PAGINA 2

El segn dalla cuntinuitad

50 onns Uniun da pescadurs Sagogn

■ (anr/ac) A Bargaus alla riva dil Rein posseda l'Uniun da pescadurs Sagogn in lag da tratga e leu han els festivau la sonda vargada il 50avel onn d'existenza. Sur 50 onns ha l'Uniun da pescadurs Sagogn manteni u pli u meins il medem diember da commembers ed adina eis ei reussiu dad anflar persunas promtas da s'engaschar al tgamun dall'uniun. Actualmeins presidescha Gian Battaglia l'uniun ed el ha envidau la sonda vargada ils commembers e lur famiglias per festivar da cu-

minonza il miez tschentaner d'existenza dall'uniun. A Bargaus, in liug idillic alla riva dil Rein nua che l'uniun mantegn dapi la fundaziun in lag da tratga. Martin Battaglia e Ruedi Steinhäuser appartegnan als fundatur dall'uniun ed ein aunc oz commembers activs. La sentupada dalla sonda vargada ha purschiu la pusseivladad da dar in'egliada el vargau e da sfegliar ellas regurdonzas.

> PAGINA 2



Il lag da tratga a Bargaus dall'Uniun da pescadurs Sagogn vala sco center dallas activitads dall'uniun.

FOTO A. CADONAU

Sport d'ota qualità a Scuol

■ (anr/bcs) L'ultima fin d'eivna han gnü lö las maestranzas svizas da cuorsa d'orientaziun a Scuol e fracziuns. Quellas sun gnüdas organisadas da l'associaziun svizra insensel cul turissem e cun blers voluntaris. La cuorsa da distanza media es gnüda fatta a Tarasp e la cuorsa a distanza lunga da Motta Naluns a Ftan. L'evenimaint ha attrat 1893 parteci-

pantas e partecipants da tuot la Svizra, ma eir d'utrò, in diversas categorias. Sper l'elita d'eiran da la partida eir sportistas e sportists laics dad ot fin ottanta ons. La cuorsa sün distanza media a Tarasp es gnüda dominada da Simone Niggli pro las duonnas e da Matthias Kyburz pro'ls homens.

> PAGINA 5

«Fundaziun che merita admiraziun»

Riom: Surdada dal Premi Wakker

DA GION NUTEGN STGIER / ANR

■ Cun in act festiv ha la Protecziun da la patria surdà a la Nova Fundaziun Origen, cun ses intendand Giovanni Netzer, il Premi Wakker 2018. La fundaziun ha retschet quel premi cun s'engaschar da dar a vitgs novas perspectivas architectonicas. Ina gronda raspada è s'entupada en il curtin da la «Villa Carisch» a Riom per assister a l'act da la surdada dal premi. Tranter ils 450 gratulants e gratulantas era er Mario Cavigelli, il president da la regenza grischuna. Il fil cotschen da ses pled da festa è stà il suandant: bandunar ubain sa sviluppar? Gist quai saja er stà tar Giovanni Netzer. El saja sa decidi da star en sia patria uriunda e per il svilup da la regiun. Oz saja l'Origen Festival Cultural ina organizaziun da cultura da renun nazional ed internaziun cun in immens bun resun. Las producziuns sajan da qualitat fitg auta, tuttas sajan unicas e cunzunt er singularas. Grazie al Festival han la regiun ed er il Grischun survegñ ina ferma pitga culturala che saja er per il svilup economic da



Il putader dal premi cun dus dals referents e gratulants: Mario Cavigelli, cusseglier guvernativ, Giovanni Netzer, Nova Fundaziun Origen, ed Andrea Hämmerle, president Pro Origen (da san.).

FOTO G. N. STGIER

fitg gronda valur, ha ditg Cavigelli. Martin Killias, vischin d'Andiast, il president da la Protecziun da la patria svizra, ha ditg che la

Nova Fundaziun Origen cun Giovanni Netzer meritian ses respect ed admiraziun, cun s'engaschar, tgirar, cultivar e mantegnair l'ierta

culturala a Riom ed en auters vitgs da Surses.

> PAGINA 7

Envidau a fiasta

■ (anr/ac) Fiastas dil vitg ein attractivas e carmalan hosps ed indigens. Quei ei era buca stau auter la sonda vargada a Rueras che ha purschiu ina attractiva plattafurma da s'entupar. Tonta gliend sin via vesa il vitg da Rueras strusch duront igl onn sco a caschun dalla fiasta dil vitg. In impurtont event per far attent alla purschida indigena e da mussar il vitg situau agl ur dalla via dil Pass Alpsu empau ord in'otra perspectiva. Il divertiment culinaric e musical ei medemameins buca vegnius alla cuorta alla fiasta dil vitg da Rueras.

> PAGINA 4

Cumenzar cun precauziun

Il nov onn da scola porta in nov plan e discussiuns enconuschentas

■ (anr/ac) En il Grischun ha il nov onn da scola cumenzà oz e cun el proximamain las discussiuns politicas en chaussa scola e plan d'instrucziun. Las banderolas a l'ur da la via regordan al cumenzament da la scola e da far attent a scolaras e scolaras sin via a scola. Banderolas che fan attent a la proxima votaziun dal pievel na pendan anc betg. Quai succeda

dentant, proximamain decida il suveran grischun gea ils 23 da settember davart l'iniziativa per sulet ina lingua estra en scola. In gea dal suveran grischun a quella iniziativa metta il nov plan d'instrucziun introduci cun il nov onn da scola sin il chau. Anc avant la decisiun dal pievel discuttescha il cussegl grond la fin avust davart l'iniziativa dubla per ina

buna scola. Ina iniziativa lantschada cun la finimira da stgassar il plan d'instrucziun. Gist per quel motiv n'esi betg sulet da far attent als scolaras sin via a scola, mabain da perseguir cun precauziun la politica da scola. I pudes senz'auter capitar in u l'auter accident politic.

> PAGINA 2



Oz els puspè sin via a scola, scolaras e scolaras da las scolas grischunas.

FOTO A. CADONAU



10034

Servetsch d'abunents e da distribuziun: tel. 0844 226 226 mail: abo@somedia.ch

> PAGINA 11